

Molaodi wa khampani o laetswe ho busetsa tjhelete ho SARS

Tshwane, 19 Phato 2021 – Molaodi wa khampani ya fumanweng a le molato wa ho fana ka dikgutliso tsa ha ho letho tsa VAT le ha kgwebo ya hae e ne e ntse e sebetsa, o laetswe ho lefa Ditshebeletso tsa Lekgetho tsa Afrika Borwa (SARS) tjhelete e kana ka R400 853 ke Lekgotla la Lebatowa la Bloemfontein.

Lefa Tsaoane, molaodi wa khampani ya dijo le marobalo e bitswang Above Limits Trading CC maobane (17 Phato) o fumanwe a le molato diqosong tse 10 tsa boqhekanyetsi mme a ahlolwa ho hlola tjhankaneng nako ya dilemo tse 5, tse fanyehilweng nako e kana ka dilemo tse 5.

Le ha ho le jwalo, ho latela diphuputso tsa bonokwane tse entsweng ke SARS, ho ile ha behwa pehelo e nngwe hodima kahlolo ena e fanyehilweng ya hore moqusuwa a busetse SARS tjhelete e kana ka R400 853, mme tjhelete e kana ka R 200 426 e lokela ho leshwa ka la kapa pele ho la 28 Hlakola 2024 mme balanse e setseng e leshwe pele kapa ka la 31 Phato 2026.

Molaodi ona le yena o ile a fumana kahlolo e ka thoko ya ho hlola tjhankaneng dikgwedi tse 6, eo kaofela ha yona e fanyehilweng nako ya dilemo tse 2.

Khampani e ile ya ahlolwa kotlo ya R500 000, eo kaofela ha yona e fanyehilweng dilemo tse 5, le R10 000, eo kaofela ha yona e fanyehilweng nako ya dilemo tse 2, kahlolelong e ka thoko.

Khomishenara ya SARS Edward Kieswetter o boletse hore mokgatlo o sebetsa ka thata hore balefalekgetho ba kgone ho ikobela tefo ya lekgetho ha bonolo ka ho fana ka tlhakisetsa le netefatso hore ba tle ba phethe boitlamo ba bona. Moo balefalekgetho ba sa ikobeleng tefo ya lekgetho mme ba etsang boqhekanyetsi teng, mokgatlo o tla netefatsa hore ba feela ba tshotjhiswa ho latela matla ohle a molao. Sena se tla ba thatafalletsa dintho le ho ba qosa tjhelete e ngata.

“Re ka se kgone ho dumella ho dutla ho jwalo mokotleng wa naha hohang haholo jwale ka nako eo naha ya rona e sa ntseng e iphumana hape ho tsa ikonomi mme e bile e tobane le sewa sena se tshabehang sa Covid-19.

“Boitshwaro bona ha ba amohelehe haholo ha mmuso o ntse o sebetsana le taba ya ho fana ka kimollo dikhampaning tse anngweng ke meruso le sewa sena,” ho rialo Mong. Kieswetter.